

# Tichikin Anúk Ren Túmwúnún Mwongo #21

*Met kopwe sinei fan iten ewe Anúk*

WWW.HEALTHOREGON.ORG/  
FOODSAFETY

## OAR 333-150-0000, CHAPTER 4-603.17

(A) Me núkún met mei afat non ¶¶ (B) me (C) ren ei section, ekewe pén kanteiner mei wor ren minen enimenim ika epwe amasou sefan ngeni mwongo iwe epwe nimeoch me amasou sefan non ewe nenien fér mwongo ir mei fiti ngeni pwingun anúkún tumwunún mwongo. <sup>P</sup>

(B) Ew kanteinerún mwongo epwe meninong minen úún non epwe amasou sefan non ewe nenien mwongo ika:

(1) Napanapen ewe kanteiner me ewe nenien chiichi ika tétéén me met ewe minen úún e fér seni, iwe nupwen repwe chufengen, epwe fetaneoch nimeniman me non imw ika ren ewe imwen fér mwongo;

(2) Epwe wor nenien chiichi ika tétéén me mwen epwe anéén sefan ekewe kanteiner mei eniwininong ngeni konik mi minafé, konik mi kaar mei tumwun kéúkún karan me ese eniwin sefan epwe ewe kininikinin non ewe nenien kokus kónik;

(3) An ewe chón kamé kanteiner e eniwin ngeni ewe imwen mwongo an epwe amasou sefan ren minen amémé ika epwe chok pwusin nó ngeni ewe mineka aan; me

(4) Ewe kanteiner e anéén sefan ren:

(a) Ewe chón angangen non ewe imwen mwongo, ika

(b) Ewe mineka aan ewe kanteiner ika pwe ewe minen úún mei wor minen an epwe tumwun fetanin ar transferini nge esapw tongeni onunu seni mine aan ewe kanteiner.

(C) An ewe chón kamé kanteiner ese pwan afatatafat pwe minen mwongo mei tongeni epwe anéén ren ekewe vending machine(nenien anéén konik).

## EUCHEAN TÚMWÚNÚN MANAWEN ARAMAS:

Ren an epwe anéén sefan pén konik mei tongeni epwe meninong met mi nimengaw seni ewe minen anééné ika ewe minen úún ika pwe ese nimeoch ewe kanteiner ika ese pwing angangen ika tumwunún ewe mwosiin. Ren an epwe apeti ngawen ika fetanin afeiengawan samwau ngeni ewe chón kamé, ewe minen anééné mei kéúk ngeni ekewe minen úún ese wor afeiengawan. Ekewe mwosin mei fér an epwe apeti an esapw fetan met mi nimengaw iwe epwe mwonotá ika wor met epwe nimeti ekewe kanteiner ren ewe neni.

## Growler Refilling (Anéneí sefani ewe nenien piiéé)

Ew growler (nenien piiéé) ew kanteiner mi tongeni epwe anééné sefan ika nenien ewe piiéé epwe nininong non iwe a nó ngeni imw pwe minen úún. Growlers iwe ekewe kanteiner re fér seni kinas ika mecha iwe mei tongeni anomwu úkúkún 64oz piiéé, waain, hard cider ika Kombucha.

Ren an napanó ika térúnó ei anééné growler ika wánn piiéé iwe mi pwan napanó an epwe fetan met epwe angawa ewe minen úún. Pwokiten napengeni ekewe growlers ika wánn piiéé mei nó ngeni imw, iwe sise tongeni sinei ika pwe ir mei nimeoch me mwen ar repwe eto anééné sefan.

Ewe Anúkún Túmwúnún me Nimeochun Mwongo mei anúkú an epwe wor ew “contamination-free (ese wor nimengaw non)” minen amweet ren minen anééné, iwe ekewe growlers ika nenien piiéé epwe anééné nge resapw pachefengen ew minen anééné me ewe kanteiner.

Napengeni ekewe growlers ren anééné non ewe tupw e assái ewe piiéé me faan ewe kanteiner an epwe akúkúnatiw ewe pwiropwur me an epwe mwitir me anééné. Pwokiten mei tongeni fetan nimengaw non ekewe tupw nupwen ar amweta seni ewe nenien minen úún ngeni pwan ew, iwe repwe kan ekesiwini ika tétén, chiichi me nimenim iteitan repwe aea.

Murin anééné, iwe epwe tétén núkún ekewe growlers repwe ténú ngeni waiip ika maakak mei sooso non ekewe minen enimenim.

### Kapasen pasepes:

- Négénéchu an epwe pwing omw nimeti poumw murin omw kané ngeni an kastomer kanteiner
- Ika ke aia ekewe tupw minen anééné, achomwongu omw tupw (epwe naf ngeni otun pisi) epwe mwonota omw kopwe aia
- Sopwenó me siwini ekewe tupw mei nimeoch ren iteitan omw anééné



**Kopwe chok etiwa ekewe growlers mi nimeoch iwe chiiri me mwen epwe anééné sefan**

- Ika kopwe chiiri an ekewe kastomer growlers, epwe wor ewe sink epwe imwunó (esapw pwan nenien téténún paú)
- Tumwunu omw kosapw atapa ekewe ruume me piisek ren ekewe growlers re eniwinanong nupwe omw anééné
- Ren ewe nenien kastomer re pwusin anééné, epwe wor ewe sink nenien chiichi (mei eoch konikipaata) me ewe chón anééné epwe tumwunu an epwe tumwun esapw fetan nimengaw nupwen an anééné.

*Kinisou ngeni Deschutes County Environmental Health ren waten ar aninis fan iten en fact sheet.*